

地理

疆域之廣狹險易蒼黔之良莠息耗敷治者不能躬自遍歷也必為圖若籍以統貫而條理之不出戶庭而境內之應興應革宜捐宜益之故瞭然胸中是以周禮大司徒掌以職方孔子見負板者式之地理之於政治關係何其重歟北鎮左河右山原濕曠衍營口盤山際其南彰武阜新距其北東抵黑台西臨錦義幅員廣袤物產豐饒官斯土者苟能措施咸宜實業文化必有蒸蒸日上號稱易治者志地理第一



建置沿革大事記

北鎮陶唐屬冀州之域虞屬幽州夏商均屬冀州周屬幽州秦屬  
遼西郡統於遼東前漢東南為無慮望平二縣屬遼東西北屬遼  
西後漢為無慮縣地屬遼東屬國望平縣屬遼東郡陽嘉初鮮卑  
寇遼東屬國耿曄屯無慮以拒之三國北魏無慮望平二縣并屬  
遼東郡晉之望平縣屬玄菟郡隸平州省無慮縣南北朝後魏屬  
望平縣太武帝省入廣都縣隋屬高麗唐太宗平高麗於無慮望  
平二縣置巫間守都尉護府設守捉城後入渤海為顯德府遼世  
宗時以渤海顯德府地置顯州奉先軍以奉顯陵顯陵者東丹人  
皇王之墓也領奉先山東歸義三縣又置奉陵縣金太祖天輔元  
奉天省北鎮縣志

卷一

地理 沿革

一一

年遣將烏楞古瓜爾佳沃里布等攻遼顯州知東京事完顏鄂倫  
以兵來會即以兵三千先渡遼水得降戶千餘遂薄顯州遼將郭  
藥師乘夜來襲鄂倫擊走之烏楞古等遂與遼將耶律聶呼等戰  
於疾藜山大敗遼兵追北至鄂勒錦陂獲佛德家屬遂圍顯州攻  
其城西南軍士賈都踰城先入燒其佛寺烟焰撲人守陴者不能  
立諸軍乘之遂拔顯州於是乾懿豪徽成川惠等州皆降嗣改奉  
先為鍾秀縣奉陵為閭陽縣山東為廣寧縣又置望平縣並屬顯  
州尋升顯州為廣寧府元為廣寧府路封孛魯古歹為廣寧王立  
廣寧行帥府事後以地遠遷治臨潢立總管府至元六年以戶口  
單寡降為東京路總管府屬郡十五年復分為路行總管府事明



廢府縣置廣寧衛洪武二十五年封簡王植於遼明年就藩廣寧以宮室未成暫駐大陵河北樹柵為營帝命武定侯郭英為築城郭宮室會高麗自國中至鴨綠江皆積粟帝慮其有陰謀而役作軍士艱苦今輟役至三十年始命都督楊文督遼東諸衛士繕治之增其雉堞以嚴邊衛嘉靖三十五年達賴以十餘萬騎入廣寧總兵殷尚質游擊閻懋官禦之於塔兒山四十二年蒙古聚眾廣寧塞外謀大入總兵楊照率諸將由鎮夷堡分道掩之穆宗隆慶四年以李成梁為遼東總兵官駐節廣寧時諸達諸部屢窺塞下十年間大將死者數人成梁乃大修戰備甄拔將校收召健兒給以厚餼用為選鋒軍聲始振神宗萬曆九年土蠻與黑石炭等聚奉天省北鎮縣志

卷一

地理沿革

一二

兵塞下謀入廣寧成梁率輕騎從大寧堡出去塞四百餘里至撫郎免大戰敗走之是年十月土蠻復連速把亥等十餘萬騎攻圍廣寧不克轉掠團山堡盤山驛及十三山驛攻義州成梁禦却之李成梁先後鎮守遼東數十年邊境賴以久安朝廷為之建石坊於廣寧城中以旌其功至今猶巍然矗立焉神宗萬曆四十七年清天命三年太祖下撫順等城廣寧總兵張承蔭追擊之次年哈哈納攻沙嶺敗廣寧之援兵熹宗天啟元年以王化貞巡撫廣寧是年六月起熊廷弼經畧遼東是時遠瀋相繼為清所陷廷弼建三方布置策廣寧用馬步兵列營三岔河上天津登萊各置舟師設登萊巡撫如天津而山海關特設經畧節制三方以一事權先



是王化貞部署諸將沿河設六營營置參將守備分守諸要害議已上廷弼謂今日但當固守廣寧不宜分守防河兵分則力弱倘一營不支則諸將皆潰又馬能守莫如出游徼之兵番巡河上示敵不測而以大兵悉聚廣寧深壕高壘以俟其至化貞素不知兵與廷弼議不合益務為大言且建言願得六萬兵一舉蕩平滿洲兵部尚書張鶴鳴篤信化貞無言不從廣寧兵至十四萬廷弼關上無一卒徒擁虛號而已二年清天命七年太祖親統大軍攻明渡遼河攻西平堡拔之副將羅一貫死之會化貞遣孫得功祖大壽等赴援廷弼亦檄劉渠會師前進與清兵戰得功遽奔呼曰兵敗矣諸軍皆走清兵追至平陽橋全軍盡沒大壽走覺華島得功

奉天省北鎮縣志

卷一

地理 沿革

一三

請降得功素為化貞心腹及是欲生縛化貞以為功時清兵頓沙嶺未進得功揚言兵已薄城居民驚竄化貞方闔署理軍書不知也參將江朝棟排闥入大呼曰事急矣請公速去化貞莫知所為朝棟掖之出上馬僕二人徒走從遂棄廣寧踉蹌西走清兵既入廣寧凡四十餘城堡皆下崇禎五年清天聰八年豫親王入廣寧崇禎十年清崇德二年錫特庫至廣寧虜錦州哨卒十二清康熙三年設廣寧府并廣寧縣四年裁府以縣隸錦州府同治乙丑值髮捻猖獗奉天精兵盡往征勒宵小因之蠢動八月初四日賊首馬傻子姜七周姓等糾眾千餘名突入小黑山鎮斃旗員佐領一兵十三名大肆焚掠并竄擾義州等處十一月三日進踞中安堡



令市民李尚珍入城說尉令曰苟以金帛彈藥賂我當越境他去  
否則屠城城守尉奇車布懼甚擬迎降縣令煜斌以為納款則可  
降則不可議未決適副都統銜花里雅春率騎兵二百回吉林原  
防道出北鎮聞之遂躍馬入署謂尉令曰公等有守土責賊至不  
能禦反欲迎降可乎繼自今有言降者斬尉令皆唯唯雅春乃慰  
之曰吾兵雖單然皆歷百戰保此孤城有餘裕請勿憂乃命商民  
家出一人持械登陴無械者携石番巡城上須臾雉堞無隙地復  
分兵之半守五門餘則扼要巷以防內變賊訶知城內備戰大絕  
望七日午後各悍匪率眾三千餘人由天齊廟嶺馳下攻城東南  
隅城上矢石雨下賊未得逞復燃炮猛攻炮炸裂遂分其據北鎮  
奉天省北鎮縣志

卷一

地理沿革

一四

廟攻城之西北雅春督兵擊却之賊又潛結獄囚為內應運硝磺  
以燬其桎梏至初更囚皆破扉出火縣署烟焰蔽天賊見火起復  
鳴炮響應勢張甚煜斌聞變冠服堂上擬盡節為犯人掖去得不  
死其夫人死之奇車布匿商店厨室中僅以身免囚見外援未至  
向街市奔竄守兵以抬槍擊之盡殲焉次日黎明賊見城守完固  
計沮羣向西北竄去光緒二十七年李景祥為縣令夏五月突有  
渠魁某欲反正而無由乃於平明城門甫啟率其黨百餘人以入  
時衛隊悉竄竄景祥獨坐堂皇某望見即下拜公曰鼠輩反耶何  
不以槍斃我某曰不敢特來投誠耳請公巡視某効前驅公遂出  
見市肆不驚秋毫無犯遂許其請立遣之出蓋恐遲則變生也未



幾又有鉅盜趙璧糾黨千餘人乘夜攻城景祥會同城守尉廣某分督駐防隊暨捕兵練勇守各門並躬自登陴督飭轟擊移時斃悍賊數名餘黨始紛紛潰竄全城安堵二十八年分東南界歸盤山縣東北界歸黑山縣民國二年因縣名與廣東重出奉令改為北鎮

民國二十年九一八事變後縣境胡匪充斥民不聊生於夏曆十冬兩個月間境內各村鎮強半被匪蹂躪至村社為墟者亦間有之於冬月二十六日忽有匪目千餘集匪數萬攻城以城內官民防禦嚴終未得逞及圍攻七晝夜時幸友邦大日本軍見義勇為由溝幫子派隊解圍匪眾乃紛竄四方全城民眾之生命財產始奉天省北鎮縣志

卷一 地理沿革 一五

得保全時夏曆臘月初二也繼而奉天省自治指導部派縣自治指導委員長及委員來縣於一月十七日成立縣自治指導委員會及縣自治執行委員會以維持地方治安振興庶政於是縣政悉入正軌自治之精神乃現迨滿洲新國成立境內胡匪雖未蕩清而人民已多安生業矣



疆域

縣治疆域於清初時最為遼闊後東北部劃歸黑山縣治東南部劃歸盤山縣治面積雖減猶大邑也現在疆域東至于家窩棚四十里黑山縣接界南至河下頭五十五里盤山縣接界西至老爺嶺四十里義縣接界北至白土廠門四十五里熱河阜新縣接界東北至何家窩四十里黑山縣接界東南至咬溝五十里黑山盤山兩縣接界西南至康屯八十里錦縣接界西北至魏家嶺五十里義縣阜新兩縣接界東西橫距八十五里南北縱距一百零五里統計面積共八千九百二十五方里縣城位於全境西北偏東距奉天省城三百六十里

奉天省北鎮縣志

卷一

地理 疆域

一六

形勢

縣境醫巫閭環其右羊腸河濼其左阻山帶河天然形勝南臨溝幫鎮為京奉營榆鐵軌交會之區北控柳條邊為蒙古熱河往來必經之地交通便利商賈輻輳西北兩部多山嶺土質半係磽瘠東南兩部多平原土質率屬膏腴附郭六七里層巒疊嶂拱衛於四週儼如列屏可為犄角之用城內萬紫山孤聳於西北隅俯視城鄉歷歷在目綜全境形勢而論雖無堪稱天塹之大川而山巒綿亘一旦有警擇要扼守大有一夫當關之勢為軍事家所注意以形勢頗佔優越也

經緯度



縣城在北京天文臺東經五度二十分北緯四十一度二十六分  
縣境西自東經五度零八分東自東經五度三十六分南自北緯  
四十一度十一分北至北緯四十一度三十八分

氣候

全境氣候無甚差別寒暑進退亦無劇烈之變易以華氏表驗之  
每歲立春後由十三度至三十三度春分後由三十四度至  
五十三度立夏後由五十四度至六十八度夏至後由七  
十度至八十八度立秋後由七十五度至五十三度秋分  
後由五十二度至三十度有奇立冬後由三十度至十度許或  
六七度不等然炎夏最高溫度不過九十四五度嚴冬最低溫度  
奉天省北鎮縣志

卷一

地理 疆域

一七

至冰點下四五度為止每歲十月降雪水始冰至十一月河冰堅  
結次年二月終雪止河冰皆泮由三月至五月頃覺溫暖由五月  
至七月終暑氣盛由八月至九月杪為秋冷由十月至來年二月  
風雪交作冷特甚夏日多南風來自熱帶故天氣極熱冬日多北  
風來自北冰洋故天氣極寒惟問山向陽處冬無邪寒夏無盛暑  
此亦地勢特殊之關係也

晷刻

縣境晝夜時刻冬至日出辰二刻一分有奇日入申一刻十二分  
有奇晝長八小時三刻十三分有奇夜長十五小時零二分許夏  
至日出寅一刻十四分有奇日入戌二刻二分有奇晝長十五小



時零一分有奇夜長八小時三刻十三分有奇春秋分日出卯正  
初刻日入酉正初刻各十二小時但地球南北四時不同本境緯  
度視北京約偏二度許故節氣恒較北京天文臺所定曆書晚二  
日地球東西晝夜不同本境經度視北京約偏六度許故晝夜恒  
較北京早二十餘分鐘按每晝夜二十四小時每小時六十分統  
計一千四百四十分以地球三百六十度平均每四分鐘約行一度



山脈

禹貢劃界分州其主要大山無不備載縣境醫巫閭山乃古幽州之鎮山也蜿蜒縣城西北一帶形勢高聳儼若列屏其餘各山莫不由此分支焉茲特舉其著名者臚列於左

醫巫閭山 城西十里高十餘里周圍二百四十里舜封十二山以醫巫閭山為幽州之鎮故名北鎮掩抱六重又名六山山下有北鎮廟歷代帝王皆有封爵明初始尊為北鎮醫巫閭山之神清朝凡遇大典遣官祭告如儀

萬紫山 城內西北隅明時遠王府墓或云萬萃山或云萬字山千家寨山 城西三十五里上有廟名圓通觀客堂佛殿金碧輝

奉天省北鎮縣志

卷一

地理 山脈

一九

煌

大蘆花山 城西南四十五里上有廟名海雲觀雲遊道士多集於此山之巔東有朝斗臺西有六角亭北有石門中有客堂佛殿懸崖如畫真福地洞天也

青巖寺山 城西南五十里峭壁插天壁中有石洞可容數十人洞口一松團團如華蓋洞東一泉洞西一泉山頂一泉有望海觀音閣閣西大樹二株洞上有虛無真境四字每遇天朗氣清海洋帆檣遠陽千山歷歷在望亦一巨觀也障鷹臺即在其上為西南

第一峯

靈耆寺山 城西三十六里山巔有將軍拜母石故又名將軍拜



母靈者寺

亂峯山 城西十里與柏木山相接

虎頭山 城西北五里形如虎頭故名

木葉山 遼史地理志木葉山在永州潢水土河合流處明一統

志木葉山在廣寧中屯衛東三十里上建契丹始祖廟 按遼史

木葉山在上京臨潢府地為今廣寧縣北邊外喀爾喀河南穆固

穆爾山明志所云乃今錦縣之平山則似誤矣又考方輿紀要廣

寧衛東三十里有木葉山契丹主建南樓於上在今衛境內廢永

州非此山也則又似遼史之誤兩存其說以備考

雞冠山 其脈來自閭山經靈山寺小房身小三碗石劉屯至何

奉天省北鎮縣志

屯止約長十五里

石梯山 其脈來自閭山經大平灘背陰寺三門口甯屯鮑屯至

常興店止

油萸山 其脈來自閭山經黃碯寺史家溝荒地大房身至三台

子止約長二十里

西平頂山 其脈遠本醫巫閭山近起陳三家子至土堡子村南

止長約五里許

北山 其脈起訖均未出舊站村界長約一里

大山子 其脈起訖限度最短短約有半里始終未出大山子村界

韓口山 在城西北五十里



鳳頭山 在城西北六十里

鞍山 在城西北六十里

古城山 在城北十里

分中山 在城北十里

分水北山 在城北十五里

北團山 在城北十五里

白臺子團山 在城北十五里

馬市堡山 在城北十里

團山 在城北二十里

鎮北山 在城北二十五里

奉天省北鎮縣志

卷一

地理 山脈

三尖山 在城北三十五里

蕎麥山 在城北三十六里

鎮邊堡山 在城北四十里

白土山 在城北四十里

鷹窩山 在城北四十里

狼虎山 在城東北二十里 遼史遼州治平軍有狼山即此也

深溝南嶺 在城東十五里

深溝北嶺 在城東十五里

土堡南嶺 在城東二十五里 形如筆架故又名筆架山

駝房山 在城東南六里 俗呼放駝山



眼馬山 在城東南十五里

珠寶山 在城東南三十里

奉天省北鎮縣志

卷一

地理 山脈

二二



河流

鄭夾漈有言郡縣有時而更山川千古不易旨哉斯言凡研究地理者莫不以山川為最要然山有定位水無恒流北鎮地多高原近百年來巨川細流堙塞改徙時所常有其莫悉原委者暫付闕如謹據調查明確者條舉於後

東沙河 城東門外源出醫巫閭山三道溝東南流繞城北而南至板橋河西北名沙河東南名板橋河俱南流入海

羊腸河 城東四十五里源出邊外由白土廠邊門東入境至盤山散漫

南門乾河 城南門外源出醫巫閭山二道溝東南流入東沙河

大石橋河 城南一里源出醫巫閭山玉泉寺東南流繞大石橋又東南流入東沙河

南沙河 城南十二里源出醫巫閭山由牽馬嶺東南流合東沙河入海即閭陽驛河

西沙河 城南三十一里源出醫巫閭山青巖寺其在北者名泥河在東南名西沙河南流散漫

雙峯河 城西南二十里在二十里鋪之南源出醫巫閭山背陰寺流入泥河

鋪前河 城西南二十里源出二十里鋪泉東南流至二十里鋪南又東南流至祖家屯南散漫

奉天省北鎮縣志

卷一

地理 河流

二三



泥河 城西南三十四里源出醫巫閭山青巖寺山澗東南流繞壯鎮堡又東南流入西沙河

廣寧站河 發源於縣城北三道溝繞東門外由八家子至小亮甲山子村南流為東沙河過趙屯東南至盤山界入減河

三義廟河 發源於縣境西老爺嶺匯南北各溝經閔家甸子至三義廟會入小亮甲山子入盤山界

二道河子 發源於城西頭道溝由廣寧站村北流入廣寧站東河

邱家屯河 發源於城西南觀音洞由二臺子流入三義廟河內鄭家屯河 發源於城西南望城崗子繞路家屯村東併入三義

奉天省北鎮縣志

卷一

地理 河流

廟河內

小郭屯河 發源於城西段家溝由路家屯村北併入三義廟河內

興凱河 發源於黑山縣經長泡子村入雙臺子河

溝幫子西河 發源於常興店附近衆小河匯歸之水入盤山縣界至小板橋南三十里入海

減河 發源於廣寧站河經陸家窩堡等村入盤山縣境

東套河 發源於紅石碯子流入於大常臺

南小河子 發源於趙家窩棚流入下羊河

大溝河 發源於西大溝流入六臺子



楊郎河 城西門外源出城西北向南流經南關入東沙河  
龍潭 城西三十五里醫巫閭山之麓周三丈許上有石如蓬  
覆之

石佛寺河 城北十三里源出醫巫閭山東南流入馬市河

馬市河 城北二十五里源出義州魏家嶺東南流繞中安堡又  
東南流散漫

分水關河 城東北九里源出分水關南流入東沙河

珠子河 城東北四十里明一統志云源出廣寧衛東北一百里  
白雲山南流入遼河

今按白土廠東惟羊腸河從東入境南流珠子河故道湮沒

奉天省北鎮縣志

卷一

地理 河流

詢之士人云水盛時則有旱時則水乾或呼為錐子河遠史  
遼州有錐子河或即此也

清泉 在城內

廉泉 在城內

崇泉 在城內西北隅萬紫山上

八角井 在城北隅崇泉寺

洪井 在城西四里

二十里鋪泉 城西南二十里鋪河發源於此

古老無名泉 在城東北隅泉水四時不竭南流百步入東沙河

八角寺泉 在城西南三十里寺南一泉東南流十里餘入泥河



滿井 在城西北三里水味甘美雖旱不竭

楊郎泉 在城西北一泉出為楊郎河

玉泉 在城西醫巫閭山玉泉寺

蘇家溝 在城南四十里

松川溝 在城西南五十里

奉天省北鎮縣志

卷一

地理 河流

二六



城鎮

北鎮縣治即明廣寧中左右三衛地自金置廣寧府元為廣寧路明洪武間指揮王雄因舊址修築都督劉真甃以磚永樂間總兵劉江增展東南闕弘治間備禦胡忠展西隅正德間備禦李溱展南闕周圍五百四十六丈池深一丈五尺闊二丈周圍十一里四十五步後展新城周圍十七里門六東曰永安東南曰太安南曰迎恩西曰拱鎮西一門土塞北曰靖遠角樓四座北曰鎮朔東南曰柔遠西南曰望京西曰瞻秀鐘樓在大市東街鼓樓在大市北街嘉靖丁酉都御使任洛總兵馬永重修清乾隆四十四年重修周圍十里二百八十步高三丈五尺厚一丈五尺南闕廂三面周奉天省北鎮縣志

卷一

地理 城鎮

二七

圍三里二百二十步門三東曰宣化南曰迎恩西曰振武內城與闕廂共十四里二百四十步今按角樓四座與鐘樓一座俱已傾圮惟鼓樓尚存闕廂三門亦無遺址可考縣城街內成十字形其交會處曰十字街十字街之北鼓樓之南明寧遠伯李成梁之旌功坊在焉由十字街至南門曰南大街由十字街至北門曰北大街東至東城牆西至西門曰東西大街由東門至北大街曰老東街惟南大街商業繁盛北大街老東街次之西大街又次之東大街商戶最少西大街財神廟前為糧市西門裏為藥品市東南隅大佛寺西有菜行曰南菜行其南為馬市鼓樓西有菜行曰北菜行其西闕帝廟前有市場一沿街各種攤床櫛比鱗次酒樓茶社



棋布星羅迤西為說書賣藝之所每日遊人麇集又西為柴草市至城外南關最盛商戶數十家糧石柴草菜蔬工夫各市無一不備較之城內各種市場不啻具體而微至東西北三關向無商戶僅有少數住戶幾等村落此北鎮城關廂之大畧也

溝幫鎮 城南五十里周圍二里左右為京奉營榆兩鐵路之總匯商店不下百家有商務分所稅捐分卡為本境第一巨鎮

閭陽驛 城西南五十里周圍二里五十步昔有土城南北二門今城門俱傾圮無存為由本境至錦縣之要路商家百餘家比年以來商業頗稱發達商務分所稅捐分卡在焉為本境第二巨鎮

中安堡 城東三十里週圍二里昔有土堡週圍一里南一門今

奉天省北鎮縣志

卷一

地理 城鎮

二八

遺址無存有商務分所稅捐分卡各一商店數十家東西有糧市一馬市一每逢集期遠近交易者咸麇集於此故本鎮商業較昔尚稱進步為本境第三巨鎮

正安堡 城北三十里昔有土城週圍二里三百三十步南一門今城基已毀其門尚存清咸同年間商業繁盛今則全鎮商店僅有數家較昔日相差倍蓰矣

常興店 城西南三十里清同光年間為本邑巨鎮近則商業凋零每逢集期僅附近居民到此交易而已

趙屯 城南三十五里商店十數家每逢集期買賣魚類者咸集於此其他營業不甚發達



青堆子 城東三十五里為京奉鐵路車站之一凡城垣附近各處輸出各種貨物率赴此站稅捐分卡商務分所漸次設立故昔則僅一小村今則成為巨鎮矣

壯鎮堡 城西南三里週圍一里一百二十六步城垣間有傾圮處惟南北二門完全存在

閭陽驛城 城西南五十里週圍二里五十步南北二門遺址猶存

馬市堡 城北二十里週圍一里一百六十步有門一今已拆毀



衙署 附會所

縣公署 在縣城內十字街東路北為明李總兵府舊址或謂王巡撫府址未是孰是清康熙三年設治即改為縣署迄未遷移計大門瓦房三間其東偏有小院一角門一內計平房共七間向南三間向北四間為中區警察駐所其西平房三間為司法警察駐所儀門裏東西廂房各十一間西廂房後為監獄計正廂平房共十四間儀門正北大堂三間東有平房兩間為傳達室又東平房四間為馬號大堂西瓦房三間對面小平房一間西跨院仄平房五間大堂後東西廂房各三間為司法科暨收支收發等佔用二堂五間西為監督各職員辦公廳東為法廳迤東有角門一門外有平房二間又東有土假山一或謂明總兵李成梁疊築但不可攷上有亭顏額原名雲亭字跡今已漫滅民國十五年春經曲監督改刻具瞻亭三字匾額於其上並附以跋語蓋取民具爾瞻之義用以自警耳亭前有方石一宛如棋盤並有榆柳桃李映帶左右雅境也於民國二十年傾圮亭西為三堂連左右耳室共五間後東西廂房各三間最後正房五間前出遊廊極為軒豁

倉 三間在縣治內康熙二十一年知縣項蕙建二十八年知縣黃如僅建三間三十一年至雍正元年續八十九間又張之坤建九間俱在縣治前二年於鼓樓及縣治西萬紫山各建二十間五年於縣治前建九間七年建十間今盡廢



庫 在縣城西北隅相傳為遠代建國時所建築今廢為僧房  
警察所 在縣城內大佛寺西就官有地基於民國十五年春經  
曲監督籌款建築局勢宏敞頗敷應用今改為警務局  
保甲所 於民國十五年春裁撤所長歸併警察所內不另設所  
今無

教育公所 在縣署東隔壁公歛處後院正房五間廂房三間今  
改為教育局

公歛處 在縣署東隔壁教育公所前門房因不敷用復於民國  
十五年添建西廂房三間與教育公所均係官產今改為財務局  
移於縣公署院內

奉天省北鎮縣志

卷一

地理 衙署

三一

地方電話局 前在教育公所門房內今在火神廟院內

官立電話局 在縣城商務會內暫為租賃今改為報話局

電報局 前在縣署迤西租賃民房今移於商會院內與電話局  
歸併改為報話局

郵政局 前在縣城鼓樓南路東租賃市房今在十字街西路南  
租賃民房

教育會 前在縣城火神廟內今在教育局前院

商會 在縣城西街路北財神廟內

農會 前在縣城鼓樓西路北文昌宮院內今在武廟院內

稅捐徵收局 在縣城西街路北租賃民房



硝磺局 在縣城租賃民房

憲兵所 在縣城租賃民房今無

清丈局收價處 在縣城租賃民房今無

兵 營 步兵均在南門外西南隅二十八師舊營房內礮兵均在西門外北鎮廟內及廟前礮兵營房

儒學公署 在縣城鼓樓西路北文廟西隔壁現為縣立第一小學校所佔用

醫學研究會 在縣城西北隅藥王廟內原為官辦現已停止  
屠宰場 前在鼓樓西路南租用民房今移於上坡

電燈場 在縣城小南門裏路東租賃民房

奉天省北鎮縣志

卷一

地理 衙署

三二

實業局 在縣公署院內

民國二十年春經張恒懋縣長將縣公署大堂三間拆毀重建瓦房七間前出遊廊極為宏麗大同元年春經現任縣長夏鍾秀復將三堂拆毀建洋式灰房七間並於屋頂建樓二間矗立羣房之上稱壯觀焉

商工局及農務局 此二局自大同元年一月縣自治委員會成立後遵省令而設均附於縣公署院中內各設局長一人課長一人課員僱員若干人專為振興商工事業及發展農業一切事宜及大同二年一月奉省令將二局歸併改為實業局



